

ପିତରଙ୍କ ପ୍ରଥମ ପତ୍ର ପିତରୁନେ ପରତୁମ୍ ଉଲିଆଃ ପିତର ବଇ ବିସୟରେ ଉଃଡ଼ିକ୍ଲିଗ୍ ସାମୁଆଁ

ପିତରୁନେ ପରତୁମ୍ ଉଲିଆଃ ପ୍ରେରିତ୍ ପିତରୁନେ ବାନ୍ ଗୁଆର୍ ତିଲେଃରେ । ପିତରୁ ମେଁ ଜାଣ୍ଟେଃ ବାରି ମେଁ ଆଜାକେ ଆକେନ୍ ଉଲିଆଃ ଗୁଆର୍ଡିଂକେ ଆଡେନ୍ ବିସୟରେ ବାସଙ୍ଗରେ ଉଲିଆଃ ଗୁଆର୍ଡିଂକେ । ମେଁ ଆକେନ୍ ଉଲିଆଃନ୍ନିଆ ସର୍ତ୍ତେ ରେମୁଆଁ କିସ୍ତିୟାନ୍ଇଂକେ ଆଃଦର୍ସେରେ ଉଲିଆଃ ଗୁଆର୍ଡିଂକେ । ୧:୧; ୧:୧୭ ବାରି ୨:୧୧ମେଁ ମେଁନେ ପଡ଼େଣ୍ଟେଇଂକେ ଡେକ୍‌ରକମ୍ ଆଃଦର୍ସେରେ ଗୁଆର୍ଡିଂକେ ତାଗ୍ଲା ମେଇଂ ବିନ୍‌ବିନ୍ ଦେସନ୍ନିଆ ଚିନ୍‌ବିନ୍ ତିଲେଃଆରୁରେ । ତାଗ୍ଲା ଆକେନ୍ ଉଲିଆଃ ଉଃଡ଼ିକ୍ଲିଗ୍‌ନ୍ନିଆ ପିଲିପିୟ ମଣ୍ଡୁଲି ତାଗ୍ଲା ପାଉଲୁନେ ଉଲିଆଃ ସୁଗୁଆ ଲେଃକେ । ଗୁଲୁଏ ରେମୁଆଁ ବିସ୍‌ବାସ୍ ତିଆର୍ଡିଂକେ ଜେ ପରତୁମ୍ ପିତର ଜିସ୍‌କିସ୍‌ଟନେ ଜନମନେ ୬୫ ମୁଆଁ ଇଡ଼ିଂ ଗୁଆର୍ ତିଲେଃରେ ।

ପିତର ଆକେନ୍ ଉଲିଆଃ ରୋମ୍‌ବାନ୍ ଆଜାକେ କି ମେଁ ବାବିଲ୍ ତାଗ୍ରେ ବାସଙ୍ଗଆରୁଏ ଆଡ଼ବାନ୍ ମେଁ ଗୁଆର୍‌ବଆରୁରେ ୫:୧୩ । ପିତର ଆକେନ୍ ଉଲିଆଃନ୍ନିଆ ଆଃମ୍ୟାବିଃଡିଂକେ ଜେ ଆକେନ୍ ଉଲିଆଃନେ ଉଦେସ୍ ଆପେକେ ସାଆସ୍ ବିଃନେ ନ୍‌ସା ବାରି ଇସ୍‌ପରୁନେ ସତ୍ ଦୟା ପରିକ୍ୟା ତିନେ ଲେଃକେ ୫:୧୨ । ଆକଅରିଆ ସମାନ୍ ଲେଃକେ ଆଡେନ୍‌ଇଂ ୧ ପିତରୁ ୨:୧୧-୩:୭; ବାରି କଲିସିୟ ୩:୧୮-୪:୭ । ଆକେନ୍ ଞ୍ଜିକ୍ଲିଗ୍ ଉଲିଆଃନେ ସାପା ଅଦ୍ୟାୟନ୍ନିଆ ପରିବାରୁନେ ସମ୍ପର୍କ ବାରି ଅଦିକାର୍ ବିସୟରେ ଆଦେସ୍ ବିଃଏ ।

ସାରାସାରି ବେଲା ତାଗ୍ଲା ତିଂତିଂକ୍ଲେସା କସ୍ ବେଲା ଶ୍ରିଗ୍ ତାଟ୍ ଲେଃନେସା କିସ୍ତିୟାନ୍ଇଂକେ ସାଆସ୍ ବିଃଡିଂକେ ୪:୧ ।

ସାସ୍ତ୍ର ବିତ୍ତେ ଲେଖକେ ସାମୁଆଁଇଂ

- ୧. ପିତର ମୈନେ ପଡ଼େଣ୍ଡେଇଂକେ ନିଜର୍ ବିସୟରେ ସାମୁଆଁ ଆରି ଲେଖନେ ଚାନ୍ ବିସୟରେ ବାସଙ୍ଗତିଂକେ । ୧:୧-୨
- ୨. ପିତର ଇସପରକେ ଦନ୍ୟବାଦ୍ ବିଷତିଂକେ ଜେ ସାପାରେ ଇସପରନେ ଉଦାର୍ ବାନ୍ନିଆ କୁଡ଼େଃଆରଂଏ ଆଣ୍ଟିନେ ମେଇଂନେ ଜିବନ୍ନେ ସାଆଜ୍ୟ ତିଂଏ । ୧:୩-୨:୧୦
- ୩. ଇତିଂ ମଞ୍ଚପୁରେ ତିତିରକମ୍ ନିମାଣ୍ଡା ବାବ୍ରେ ଯୁନ୍ୟା ତିଂଏ ବାରି ଆଣ୍ଡା ଆରି କୁନ୍ୟଃ ମାଲିକ୍ ଆରି ଚାକର୍ ବିତ୍ତେ ତିତିରକମ୍ ମିସୁଃ ଲେଖନେ ତିଂଏ ଆତେନ୍ ଆଦେସ୍ ବିଷତିଂକେ । ୨:୧୧-୪:୧୧
- ୪. ଆକେନ୍ ଇତିଂ କସ୍ତୁ ବେଲା ତାବ୍ ଲେଖନ୍ୟା ପିତର ମେଇଂକେ ସାଆସ୍ ବିଷତିଂକେ । ୪:୧୨-୫:୧୧
- ୫. ମୈ ମୈନେ ଉଲିଆଃ ଗୁଆରନେ ସାରାସାରି ଆଃତିଂତିଂକେ । ୫:୧୨-୧୪

୧ ନିଂ ପିତର ଜିସୁ କିସ୍ତନେ ମୁଇଂ ବେକ୍ସେ ସିସ୍ ପନ୍ତ ଗାଲାତିୟ କାସ୍ତାଦକିଆ ଆସିଆ ଆରି ବେଥୁନିଆ ନ୍ନିଆ ଜଡ଼କଡ଼ ତିଂକ୍ସେ ମୁଡ଼ି ବାସାକ୍ସେ ରେମୁଆଁଇଂ

୨ ଆବା ଇସପରନେ ସିସେ ଗିଆନ୍ ଅନୁସାରେ ଆମ୍ବାନେ ବାନ୍ ପବିତ୍ର ତିଂରେ ସାମୁଆଁ ମାନେଃପା, ବାରି, ଜିସୁ କ୍ରିସ୍ତନେ ମିଆଁରେ ଉର୍ଚ୍ଚିଗ୍ନେ ନ୍ୟା ପାଙ୍ଗ୍ପେଲେଃକେ, ମେଇଂନେ ତାଗ୍ରା ଉଲିଆଃ ଗୁଆରଣ୍ଟିଂକେ । ଇସପରନେ ଆସିର୍ବାଦ୍ ଆରି ସାନ୍ତି ସାପା ପେନେ ତିଂଲେଃ ।

ମୁଇଂ ମୁ_ଲେଃକେ ଆସା

୩ ନେଇଂନେ ମାପୁରୁ ଜିସୁ କିସ୍ତନେ ଆବା ଇସପରକେ ଦନ୍ୟବାଦ୍ ବିଃଲେଃ ମେଃଡାଗ୍ଲା ମେଃ ମେଃନେ ମାଡାନ୍ ଲିବିସଃତେ ଜିସୁ କିସ୍ତକେ ଗୁଂଃକ୍ସେବାନ୍ ଆର୍ମୁଇଂତର୍ ଆଃତଡ଼ିଆତେଃ ଆନେଃକେ ମିନେ ଜିବନ୍ ବିଃବକେ । ଏନ୍ ଆନେକେ ମୁ_ଲେଃକେ ଆସାରେ ପୁରାପୁରି ଆଃତିଂବକେ ।

୪ ଆତେନ୍ ନ୍ୟାଃ କିତଂ ମେଃନେ ରେମୁଆଁଇଂନେ ନ୍ୟାଃ ଆଣ୍ଟିନେ ମାଲେଦାମ୍ ଆସିର୍ବାଦ୍ ବକେ, ଆତେନ୍ ଅବା ନ୍ୟାଃ ନେଃଇଂ

ଉତ୍ତରଲେଖକେ । ଆତେନ୍ ମେଁ କିତଂ ତାଗ୍ରା ପେଇଁନେ ନ୍‌ସାଃ
ରାଃସିଙ୍ଗ ବକେ । ଆଡ଼ତାଗ୍ରା ଆତେନ୍ ଆବୁଡ଼େ ଶୁ ଆବୁଡ଼େ ବା
ଆମାଏଲା ଶୁ ।

୫ ଇଡ଼ିତାମୁଏଃ ଆଣ୍ଡିନେ ଉଦାର ଉଡ଼ା ତିଏ ଆତେନ୍ ଅବା ନ୍‌ସାଃ
ପେଇଁ ବିସ୍‌ବାସ୍ ନ୍‌ସାଃ ଇସ୍‌ପରନେ ବପୁରେ ନିମାଣ୍ଡା ପେଲେଃକେ
।

୬ ଆତେନ୍ ନ୍‌ସାଃ ପେଇଁ ସାରଦା ତିଏ ଜାଦି ନାନା ପରକାରନେ
କଷ୍ଟ ନ୍‌ସାଃ ଆପେକେ ଏଃକେ ଉଡ଼ିସି ନ୍‌ସାଃ ଦୁକ୍ ତିନେ ଦରକାର
ତିଏ ପାରେ ।

୭ ପେଇଁନେ ବିସ୍‌ବାସ୍‌ନେ ପରଚଲ୍ ପରିକ୍ୟା ତିନେ ଏନ୍ ସାପାନେ
ଉଦେସ୍ । ବଃଝେକ୍ ସୁନାକେ ସୁଆତାଗ୍ରା ପରିକ୍ୟା ତିଆରଏ ।
ପେଇଁନେ ବିସ୍‌ବାସ୍ ସୁନା ବାଦୁଲ୍ ମାଲେ ମୁଲ୍ୟବାନ୍ ତିଲେଃକେସାଃ
ପରିକ୍ୟା ନ୍‌ସାଃ ଆମେକେ ପୁରନ୍ ତିନେ ତିଲାଡିଗ୍ ଦରକାର ।
ଆତେନ୍ ତିୟାଲା ଜିସୁ କିସ୍‌ଟ ଉଡ଼ା ତିନେ ବେଲା ପେଇଁ ପ୍ରସଂସା,
ଗୌରବ୍ ଆରି ସନ୍ମାନ ଲାବ୍ ତିଏ ।

୮ ଏଃକେ ପେଇଁ ଆମେକେ କେଆଲେଃଲା ଶ୍ରିଗ୍ ଆଲାଦ୍
ତିପେଡିକେ ଆରି ମେଁତାଗ୍ରା ବିସ୍‌ବାସ୍ ତିପେଡିକେ ।

୯ ପେଇଁନେ ବିସ୍‌ବାସ୍‌ନେ ରୁଚୁ ଜେ ଆମ୍ବାନେ ଉଦାର ଆତେନ୍ ପେ
ବାପେଲେଃକେ ।

୧୦ ଆକେନ୍ ଉଦାର ବିସ୍‌ଏରେ ବାବବାଦିଇଁ ଜତନ୍ ବାବ୍‌ରେ
ତୁରଚେ ଇସ୍‌ପର ଆରେକ୍ ଦାନ୍ ବିସ୍‌ଏରେ ଇଡ଼ିତେ ଗଚେନେ
ସାମୁଆଁ ବାସଙ୍ଗବଗେ ।

୧୧ ଆତାନ୍ ଇନାମ୍ ପେଇଁ ଅଃନା ଆରି ତିରକମ୍ ବାବ୍‌ରେ ପେବାଏ
ମ୍ୟାଃ ନ୍‌ସା ମେଁଇଁ ଚେସ୍‌ଟା ତିବଆଗେ । ଏନ୍ ବିସ୍‌ୟରେ ପବିତ୍ର
ଆମ୍ବାନେ ସାଆଜ୍ୟରେ ମେଁଇଁ କିସ୍‌ଟନେ କଷ୍ଟବାକ୍ ଆରି ଇଡ଼ି
ଆସିର୍ବାଦ୍ ବାନେ ବିସ୍‌ୟରେ ସୁଚନା ବିଃବଗେ ।

୧୨ ଇସ୍‌ପର ଏନ୍ ବାବବାଦିଇଁକେ ତାଗ୍ରା ଆତର୍ସା ଆରକେ
ଜେ ମେଁଇଁ ନିଜର ନିମାଣ୍ଡା ନ୍‌ସା ମେଃଶ୍ରିଗ୍ ତି ଆଡିଆଗେ ।
ମେଇଁ ଆଣ୍ଡିନେ ତିଆରତିଗେ, ଆତେନ୍ ପେଇଁନେ ନ୍‌ସା ମାଣ୍ଡା
ଲେଃଗେ । ପ୍ରେରିତ୍ ପବିତ୍ର ଆମ୍ବାନେ ଝାଡ଼ିରେ ଏକେ ଆଣ୍ଡିନେ
ହାଲିର୍ ଆଝେଟାଣ୍ଡେ ନିମାଣ୍ଡା ସାମୁଆଁ ଆଡ଼ିଗ୍ ତିଆଗେ ପେ ଏକେ

ମେଇଂବାନ୍ ଅଁ ପେଡ଼ିଂକେ ଏନ୍ ସାପା ବିସୟନେ ଅରଡ଼ ବୁଜେ ନ୍‌ସାଃ କିତଂ ଦୁଡ଼ଇଂ ତିଗ୍ ରାଜି ।

ପବିତ୍ର ଜିବନ୍ କାଟେ ନ୍‌ସା ଖାନେ

୧୩ କାମ୍ ପୁରନ୍ ତିନେ ତିଆର୍ ତିଂପା । ଜାଗ୍ରତ୍ ଲେଃଚେ ଜିସୁ କିସ୍ତ ଆତର୍ସାକ୍ସେ ବେଲା ଆଣ୍ଟିନେ ଆସର୍ ବାଦ୍ ଆପେକେ ରକ୍ୟା ତିଂଏ ଆତାନ୍ ତିଲାଡିଗ୍ ବିସବାସ୍ ବପା ।

୧୪ ଇସପରନେ ସାମୁଆଁ ମାନେଃପା । ମାମ୍ୟାନେ ସିସେ ଆଣ୍ଟିନେ ଦଦିଆ ଆସା ତିଂପେଲେଃଚେ ଆତାନ୍ ନ୍‌ସା ପେନେ ଜିବନ୍ ଆରି ଆସଜେଗ୍‌ପା ।

୧୫ ଡାଗ୍ଲା ପେନେ ଖା ବକ୍ସେ ଇସପର୍ ତିରକମ୍ ପବିତ୍ର ପେଇଂ ନିଜର୍ ନିଜର୍ ବେବଆର୍ ଦେଡ଼ରକମ୍ ପବିତ୍ର ଆଡ଼ିଙ୍‌ପା ।

୧୬ ସାସ୍ତ୍ରନ୍ନିଆ ଗ୍ଲୁଆର୍ ଲେଃଚେ ପେଇଂ ପବିତ୍ର ତିଙ୍‌ପା ଡାଗ୍ଲା ନେ ପବିତ୍ର ।

୧୭ ଇସପର୍ ସାପାରେନେ କାମ୍‌ଦାମ୍ ଅନୁସାରେ ବିଚାର୍ ତିଂଏ । ପେଇଂ ମେଁ ଡାଗ୍ଲା ସାର୍ଲନେ ବେଲା ଆମେକେ ଆବା ଡାଗ୍‌ଚେ ଖା ପେମ୍ୟାକେ । ତେଲା ଏନ୍ ଦରତନିନେ ପେଇଂନେ ଜିବନ୍‌ନେ ଇଡ଼ିଂବେଲା ଆମେକେ ବୁଟଇରିଆଃଚେ ଦିନ୍ ଆଃବିତେ ପେମ୍ୟାକେ ।

୧୮ ପେ ପେମ୍ୟାଃ ପେନେ ଅଃସେଣ୍ଟେ_ଇଂନେ ବା ପେବାକ୍ସେ ନିୟମ୍ ବେକାର୍ ଜିବନ୍‌ବାନ୍ ଆପେକେ ମୁକ୍ତି ତିଂ ନ୍‌ସା ଉଡ଼ି ଦାମ୍ ବିଃନେ ପଡ଼େଲେଃଚେ । ଆତାନ୍ ବୁଡ଼େଝେକ୍ସେ ବୁପା ଲେଃ ସୁନା ଶୁ

୧୯ ଡାଗ୍ଲା ଆତାନ୍ ନିର୍ଦ୍ଦସି ପବିତ୍ର ମେଣ୍ଟା ଉଂଡେ ତୁଲନା କିସ୍‌ଚନେ ଆମ୍ ପୁଜାନେ ଅମୁଲ୍ୟ ମିଆଁ ।

୨୦ ମେଁ ଦରତନିନେ ଆରେକ୍ସେ ସିସେ ଆଃ ଇସପରନେ ନ୍‌ସା ସିଚେ ଲେଃଆର୍‌ଚେ ଆରି ପେ ନ୍‌ସା ଏନ୍ ଡେଃଡାଚେନେ ବେଲା ଆତର୍ସା ବଆର୍ଗେ ।

୨୧ ମେଁ ନ୍‌ସା ପେ ଇସପର୍ ବିସବାସି ପେଡ଼ିଂକେ । ମେଁନେ ଗୁଏଃକ୍ସେବାନ୍ ଆର୍‌ମୁଇଂତର୍ ଆତଡ଼ିଆଚେ ଆଲାଦ୍ ତିଂବକ୍ସେ ଇସପରନେ ଆଡାଡା ପେନେ ବିସବାସ୍ ଆରି ଆସା ଡାଗ୍ ତିଂଲେଃଚେ ।

୨୨ ଏକେ ପେଇଁ ସତ୍ତ୍ୱେନେ ପ୍ଲାଃ ଖେପେଲେଃକେସା ନିଜେ ନିଜେକେ ପବିତ୍ର ତିଂପେବକେ ଆରି ବିସ୍ତାସି ବୟାଁଇଁକେ ଆଲାଦ୍ ତିଂନେ ଇକ୍ତା ନାଲେଃକେ । ନିଜେ ନିଜେକେ ଆଲାଦ୍ ତିଂପା ।

୨୩ ମେଃଡାଗ୍ଲା ଇସ୍ପରନେ ଜିବନ୍ତ ଆରି ଗୁଏଃରୁଆ ଜାକ ସାମୁଆଁ ନ୍‌ସା ପେଇଁ ମେଃଶ୍ଟିଗ୍ ଗୁଏଃଲେଗ୍ନେ ଆବାନେ ଉଂ ସୁଗୁଆ ଶୁ ମାତର୍ ଅମର୍ ଆବାନେ ଉଂ ସୁଗୁଆ ଆର୍ମୁଇଁତର୍ ଜନମ୍ ଲାଦ୍ ତିଂପେବକେ ।

୨୪ ସାସ୍ତ୍ର ତାଗ୍ରା ଗ୍ନୁଆର୍ ଲେଃକେ ।

“ରେମୁଆଁ ଜାତି ଚେଃମୁଆଁ ସୁଗୁଆ ।

ମେଇଁନେ ସାପା ସବାକ୍ନେ କଣ୍ଠାସାରି ସୁଗୁଆ ।

ଚେଃମୁଆଁ ନ୍‌ସୁଆର୍ ଖେଏ, ସାରି ଜଡେ ଲଃଏ

୨୫ ତାଗ୍ଲା ମାପରୁନେ ସାମୁଆଁ କାଲାଆଃ ଲେଃଏ ।”

ଏନ୍ ସାମୁଆଁ ପେନେ ତାଗ୍ରା ଆଦ୍ରିଗ୍ ବଆର୍ଗେ ।

୨

ମ୍ୱୁକ୍ନେ ବି ଆରି ପବିତ୍ର ଜାତି

୧ ବାରି ମାପରୁ ଜେ ମଙ୍ଗଲ୍‌ମୟ ସାପା ରକମ୍‌ନେ ନାଲେ ବିସ୍ତାସାନ୍ ନାଲେ ଆରି ଇର୍ସା ଆରି ନିନ୍ଦା ଆନ୍ତାର୍ପା ।

୨ ଚିଲ୍‌ଆଃ ରକମ୍ ତିଂପା । କାଲାଆଃ ସତ୍ ଆମ୍‌ଜି ତ୍ରାଡିଆ ଉଗ୍ ନ୍‌ସା ଇକ୍ତା ତିଂପା । ତେଡ୍‌ଲା ପେଇଁ ବୁଦି ବାଚେ ଉଦାର୍ ପେବାଏ ।

୩ ସାସ୍ତ୍ରନ୍ନିଆ ଗ୍ନୁଆର୍ ଲେଃକେ ।

“ଇସ୍ପର ଜେ ଉଡି ଲିବିସଃଶ୍ଟେ ।

ଆତାନ୍ ପେ ନିଜେ ମ୍ୟାପେଲେଃକେ ।”

୪ “ରେମୁଆଁଇଁ ଆଣ୍ଟିନେ ମ୍ୱୁକ୍ନେ ଚାପ୍‌ଟାବାର୍ ସୁଗୁଆ ମାପରୁକେ ଦାମ୍‌ଶୁନେ ନେଃଗାଚେ ମନା ତିଂଆକ୍‌କେ ମେଃନେ ତାଗ୍ରା ପାଂଲାପା ମେଃଡାଗ୍ଲା ମାପରୁ ନ୍‌ସା ଗୁଲେ ଦାମ୍‌ନେ ବିଚାର୍ ତିଂଚେ ଆଃସ୍ତ୍ରବକେ ।

୫ ପେଇଁ ମୁଇଁ ଆମ୍‌ଜି ଦେଉଲ୍ ଆଃରେନ୍ନିଆ ମ୍ୱୁକ୍ନେ ଚାପ୍‌ଟାବାର୍ ସୁଗୁଆ ଆଃସ୍ତ୍ରବେ ନ୍‌ସା ଇଲାପା । ଆତାନ୍ ଦେଉଲ୍‌ତାଗ୍ରା ପେଇଁ

ଜିସୁ କିସ୍ତନେ ମଞ୍ଜେଣ୍ଟେ_ନେ ଇସ୍ପରନେ ସାଃନେ ଜୁଗ୍ ଆଦ୍ୟାମ୍ବିକ
 ଉଃଡ଼ିରୁଆ ମାନେଃନେ ନ୍‌ସା ପବିତ୍ର ଜଜ୍‌ନାଣ୍ଟେ_ନେ କାମ୍ ତିଂଏ ।

୬ ସାସ୍ତ୍ର ତାଗ୍ରା ତେକ୍‌ରକମ୍ ଗୁଆରଲେଃକେ:

ନେ ମୁଇଁ ଗ୍ଲୋଏଦାମ୍ ଚାପଟାବାର୍ ନେସ୍ତ୍ରିକେ;

ଆତାନୁନେଇଁ ସିୟୋନନେ କନ୍ ଚାପଟାବାର୍ ସୁଗୁଆ
 ନେରାକକେ ।

ଜେ ଜା ମେଁ ତାଗ୍ରା ବିସ୍‌ବାସ୍ ତିଂଏ, ମେଁ ଅଃନା ଆଗ୍ୟାସ୍ ଶୁ ।”

୭ ପେଇଁ ବିସ୍‌ବାସ୍ ତିଂପେଲେଃକେସାଃ ପେ ନ୍‌ସା ଏନ୍ ବେବଆର୍
 ଗ୍ଲୋଏଦାମ୍ ତିଂଲେଃକେ । ତାଗ୍ରା ଜା ବିସ୍‌ବାସ୍ ଆତିଆର୍ ଶୁ

“ଆଣ୍ଟିନେ ଚାପଟାବାର୍‌କେ ଆଃରେଣ୍ଟେ_ଇଁ ମନ୍ ବିଃଆକେଁ
 ଆତାନୁ କନ୍‌ନେ ମୁଲ୍ ବ୍ରି ତିଙ୍ଗଲେକେ ।”

୮ ପବିତ୍ର ସାସ୍ତ୍ର ତାଗ୍ରା ବିନ୍ ମୁଇଁ ଜାଗାତାଗ୍ରା ଗୁଆରବଗେ:

“ଏନ୍ ଚାପଟାବାର୍ ଆରାତ୍ରା ଉଃଡ଼ିରୁଆ ଟେପ୍‌ଃଟେ ଲଃଆର୍‌ଏ
 ଏନ୍ ଚାପଟାବାର୍ ମେଇଁନେ ତାନେ ମେଃଡାଗ୍ରା ତିଂଏ ।”

ମେଇଁ ମାପୁରୁନେ ସାମୁଆଁ ବିସ୍‌ବାସ୍ ଆତିଆକେଁ ତେସାଃ ମେଇଁ
 ଟେପ୍‌ଃଟେ ଲଃଆର୍‌କେ । ଏନ୍ ଲେଃଗେ ମେଇଁନେ ନ୍‌ସା କିତଂନେ
 ସାମୁଆଁ ।

୯ ପେଇଁ ମୁଇଁ ସ୍ତ୍ରିକ୍ଟେ ବଂସ ଲଃସାଙ୍ଗ୍‌କେନେ ଜଜ୍‌ନାଣ୍ଟେ_ ମୁଇଁ
 ପବିତ୍ର ଜାତି ଆରି କିତଂନେ ନିଜର୍ ରେମୁଆଁ ତିଂପେଲେଃକେ ।
 କିତଂ ଆପେକେ ତାକିଗ୍‌ବାନ୍ ମେଁନେ ଇରିଆଃତୁଗ୍ ନ୍‌ରକିଗ୍ ତାଗ୍ରା
 ଝାବକେ । ପେଇଁ ମେଃନେ କାବା ରକମ୍ କାମ୍ ସାପା ଆଃଅଁନେ ନ୍‌ସା
 ସ୍ତ୍ରିବଗେ ।

୧୦ ଅଃସେ ପେଇଁ କିତଂନେ ରେମୁଆଁ ପେଲେଃଗେ ଏକେ
 ତିଂପେଲେଃକେ । ଅଃସେ ପେଇଁ ଇସ୍‌ପରନେ ଲିବିସଃ ବିସ୍‌ୟରେ
 ମ୍ୟାଃପେଲେଗେ ଏକେ ମେଃନେ ଲିବିସଃନେ ତିଂପେଲେଃକେ ।

୧୧ ଅ ବୟାଁ ଆରି ତନାଇଁ ପେଇଁ ଏନ୍ ଦରତନିନେ ବିନ୍ ଦେସ୍‌ଇଁ
 ଆରି ସାଇ ସୁଗୁଆ । ତେସାଃ ଗୁଆରେ ନେତିଂ, ସାପା ଆମ୍‌ା ବିରଦ୍‌ରେ
 ରିଂତିଂକ୍ଟେ ଗାଗଡ଼େନେ ଇକ୍‌ଟା ଆସା ଆତିଜେପା ।

୧୨ ପେଇଁ ଅଣଜିଉଦିଇଁନେ ବିତ୍ରେ ପେଇଁନେ ସଦ୍ କାମ୍ ନ୍‌ଲେ,
 ତେଲା ମେଇଁ ଆପେକେ ଦଦିଆ ସ୍ଲେଣ୍ଟେ_ ତାଗ୍‌ଟେ ନିନ୍‌ା ବିଃଡ଼ିଙ୍ଗ୍‌ଲା

ଡିଗ୍ ପେଇଁନେ ସତ୍ କାମ୍ କେତେ କ୍ରିଷ୍ଣ ପାଙ୍ଗନେ ଦିନା ଇସ୍ପରନେ ପ୍ରସଂସା ତିଙ୍ଗିଆରୁଏ ।

୧୩ ମାପରୁନେ ମ୍ପିରେ ଗୁଆରେ ଶ୍ରିଂକେ ମ୍ପାଣ୍ଡେଇଁନେ ସାଃବିଃରୁଣ୍ଡେଇଁନେ ତିଂପା ।

୧୪ ଦେସ୍ନେ ମ୍ପା ସାଃବିଃରୁଣ୍ଡେଇଁ ଇଃସାଙ୍ଗକେ ଆରି ବିନ୍ଦିବିନ୍ଦିନେ ସାଃବିଃରୁଣ୍ଡେଇଁକେ ମାନେଃପା । ସାଃବିଃରୁଣ୍ଡେଇଁ ଅପରାଦିଇଁକେ ତଣ୍ଡୁ ବିଃ ନସା ଆରି ସତ୍ କାମ୍ ତିଂତିଂକ୍ଲେ ରେମୁଆଁଇଁକେ ଉସ୍ତସେ ନସା ଇଃସାଙ୍ଗ ନସା ସିକେ ।

୧୫ ପେଇଁ ନିମାଣ୍ଡା କାମ୍ ତିଂତେ ନିର୍ବୁଦିଇଁନେ ସାମୁଆଁ ଆବୁବିପା ଏନ୍ ଇସ୍ପରନେ ଇକ୍ତା ।

୧୬ ଉଦାର ବାକ୍ଲେ ରେମୁଆଁଇଁ ସୁଗୁଆ ବୁଆ ତିକେଃପା । ଡାଗ୍ଲା ସ୍ପାଦିନେ ଦଦିଆ ବେବଆର୍ ତିଂତେ ଗରବ୍ କାମ୍ ଆଃଡିଂପା । ଆରି ଇସ୍ପରନେ ସ୍ଲେରେ ସୁଗୁଆ ବୁଆ ତିକେଃପା ।

୧୭ ସାପାରେକେ ସନ୍ମାନ ବିଃପା । ସାପାରେ କିସ୍ତ ବିସ୍ବାସି ବୟାକୁଲାଇଁକେ ଆଲାଦ୍ ତିଂପା । ଇସ୍ପରକେ ବୁଟପା ଇଃସାଙ୍ଗଇଁକେ ସନ୍ମାନ ବିଃପା ।

୧୮ ସ୍ଲେରେଇଁ ପେନେ ମାପରୁଇଁ ଲିବିସଃ ଆରି ବିଚାରନ୍ନିଆ ବା ଡାଟ୍ ରକମ୍ ତିଂଲାଃଲାପା, ମେଇଁନେ ଆଲ ତିଂପା ଆରି ଆମେଇଁକେ ନିମାଣ୍ଡା ମାନିଆରି ବିଃପା ।

୧୯ ପେଇଁ ଇସ୍ପରନେ ଇକ୍ତା ମ୍ୟାପେଲେକେ ସାଃ ଜଦି ଅନ୍ୟାୟରେ ତଣ୍ଡୁ ବାଟେ କସ୍ତ ସାମ୍ପାଲେପା, ତେଲା ଇସ୍ପର ଆପେକେ ଆସିର୍ବାଦ୍ ତିଂଏ ।

୨୦ ପେଇଁ ଦସ୍ ତିଂତେ ତଣ୍ଡୁ ପେବାଲା ଆଡ୍ନେ ଦନ୍ୟବାଦ୍ନେ ମେଃ କାରନ୍ ଲେଃକେ ? ନ୍ୟାୟ କାମ୍ ତିଂଲା ଆଃ ଜଦି ତଣ୍ଡୁ ପେବଗେଏ ତେଲା ଇସ୍ପର ଆନେକେ ଆସିର୍ବାଦ୍ ତିଂଏ ।

୨୧ ଇସ୍ପର ଏନ୍ ଉଦେସ୍ରେ ଆପେକେ ଖାବକେ । କିସ୍ତ ନିଜେ ପେଇଁନେ ନସା ତଣ୍ଡୁ ତିଂତେ ନିମାଣ୍ଡା ଆଃସୁଏବକେ ତିରକମ୍ ପେଇଁ ମେଃନେ ପାଦ୍ତ ପେସାଃଏ ।

୨୨ ମେଃ ମେଃଶ୍ରିଗ୍ ପାପ୍ ତିଂ ଆବଗେ । ମେଃନେ ତୁମୁଆଃବାନ୍ ସାମୁଆଁ ତାରନେ ଜା ଅଆଲେଃଗେ । ମେଃ ଗ୍ୟାମୁଡିଆଃ ଆଡିଂ ବେଲା ଗ୍ୟାମାଡିଆଃନେ ଉତ୍ତର ବିଃ ଆବଗେ ।

୨୩ ମୋଠ ଦୁକ୍ତ ବାନେ ବେଲା ପ୍ରତିସଦ୍ ଭୂତନେ ବୁଢ଼ମୋଗ୍ ଆଃସୁଏ
ଆବଗେ ଶୁ: ଚାଃ ନିଆୟ୍ ବିଚାର୍ ତିନେ କିତନେ ଆଡ଼ାତ୍ରା ପୁରା ଆସା
ବଗେ ।

୨୪ ନେ ତିରକମ୍ ପାପ୍ ତାଗ୍ରା ନେଗୁଏଃଏ ଆରି ଦରମ୍ ନେବୁଆ
ନେଡ଼କେଃଏ ଡେନ୍‌ସା କିସ୍ତ ଚ୍ଚୁରୁସ୍ ଆରାତ୍ରା ନିଜର୍ ଗାଗଡ଼େ ନେନେ
ପାପ୍ ଅଜନ୍ ତୁଙ୍ଗକେ । ମୋଠନେ ଗାଗଡ଼େ ଆତାନ୍ ଚିନାକ୍ଲେ ନସା ନେ
ନିମାଣ୍ଡା ତିନେଲେଃ ।

୨୫ ମୋଣ୍ଡାକ୍‌ନେ ସୁଗୁଆ ପେଇଁ ବିନ୍ ଗାଲି ଝେପେଲେଃଗେ ।
ଏକେ ପେନେ ମୋଣ୍ଡାତୁର୍ତ୍ତ୍ୟାରେ ଆରି ଆମ୍‌ନେ ରକ୍ୟା ତିଂଶ୍ଟେ ତାଗ୍ରା
ଆଣ୍ଡେ ପାଂପେଲେଃକେ ।

୩

ଈର୍ବଏ ଆରି ସେଲାମ୍‌ସୁ

୧ ✨ ଅ ସେଲାମ୍‌ସୁଇଁ ! ପେଇଁ ନିଜର୍ ନିଜର୍ ଆଣ୍ଡାକ୍‌ନେ
ସାମୁଆଁ ମାନେଃପା । ତେଲା ଜଦି ମୁଡ଼ିନେ ଈର୍ବଏ ଇସ୍‌ପର୍‌ନେ
ସାମୁଆଁରେ ବିସ୍‌ବାସ୍ ଆତିଂଶ୍ଟୁ ତେଲା ନାନେ ନିମାଣ୍ଡା କାମ୍‌ବାନ୍
ଆଡେନ୍ ସାମୁଆଁ ଆଡ଼ାତ୍ରା ମେନେ ବିସ୍‌ବାସ୍ ତିଂଏ । ନାଁ ମେଡ଼ମୁଆଃ
ମୋଃଡ଼ିଗ୍ ବାସକ୍‌ନେ ଦରକାର୍ ଆତିଂ ଶ୍ଟୁ ।

୨ ତାଗ୍ରାଲା ନାନେ ପବିତ୍ର ବେବଆର୍ ଆରି ବକ୍ତି ରକମ୍ ମୋଇଁ
କେଆର୍‌ଏ ।

୩ ✨ ଉର୍ବଃ ବେସ୍ ସୁନା ରୁପା ତଗଃନେ ଆରି ନିମାଣ୍ଡା ସକା
ସଃନେ ଡେକ୍‌ରକମ୍ ମୁଃଡ଼ି ବାଏରେନେ ସବା ଆଡେନ୍ ପେନେ ସବା
ମାତିନେ ଦରକାର୍ ।

୪ ମୋଇଁ ଆପେକେ ଗିନ୍ ତିଂରେ ସାଲ୍ୟାଃକୁଆର୍‌ଏ “ମେଁ ପାଂଏ
ତାଗ୍ରାଟେ ପର୍‌ମାନ୍ ତିଂମ୍‌ଗେ ଶୁଲେଃ । ମେଁ ଏକେ ଆଣ୍ଡିତାଗ୍ରା ?
ନେନେ ଅଃସେନେ ଆବାଇଁ ଗୁଏଃଲେଆର୍‌କେ । ତାଗ୍ରା ଦର୍ତ୍ତନି
ଉବ୍‌ଜେକ୍ ମୁଲେବାନ୍ ଆଣ୍ଡିନେ ତିରକମ୍ ଲେଃଗେ ଏଃକେ ଶ୍ରିଗ୍
ସାପା ତ ଦେଡ଼ରକମ୍ ଲେଃକେ !”

୫ ଅଃସେ ମୁଃଡ଼ି ପବିତ୍ର ସେଲାନୁସୁଃଈଂ ଇସପର ତାଗ୍ରା ଆସା ବଆରଗେ, ମେଇଂ ଆଣ୍ଡାନେ ଆଲ ତିଂନେ ବାନ୍ ନିଜେ ନିଜେକେ ଆଣ୍ଡାନେ ଅଦିକାରରେ ଲେଃଆରଗେ ।

୬ ତେଡ଼ରକମ୍ ସାରା ଅବ୍ରାହାମ୍‌କେ ମାପରୁ ତାଗ୍ର ବାସଙ୍ଗତେ ମେଁନେ ସାମୁଆଁ ମାନେଃଡ଼ିଂଗେ; ପେ ଜଦି ମେଃଃଣ୍ଡିଗ୍ ବୁଟମେଗ୍ ତାଗ୍ରା ମାବ୍‌ଗତେ ସଡ଼ କାମ୍ ପେଡ଼ିଂଏ ତେଲା ପେ ଆଃ ମେଁନେ ଉଂଡେ ।

୭ ତାଗ୍ଲା ଏକେ ଆଣ୍ଡିନେ କିତଂଇନି ଆରି ଦର୍ଡନି ଲେଃକେ ଆତାନ୍ ଇସପରନେ ଅନୁସାରେ ବାସଙ୍ଗ ନସା ସୁଆତାଗ୍ରା ଦଂସ ତିଂନେ ନସା ବକେ । ଆଣ୍ଡିନେ କାଲା ଅଦର୍ମଣ୍ଡେଇଂ ବିଚାର ତିଂରେ ବୁଡେ ଝେଆରଏ, ଆତାନ୍ କାଲା ଜାକ ଆତାନ୍ ନିମାଣ୍ଡା ତିଂ ଲେଃଏ ।

୮ ତାଗ୍ଲା ନେଂନେ ନିମାଣ୍ଡା ବୟାକୁଲାଇଂ ମୁଇଂ ବିସୟ୍ ଆଆବଃଗେପା । କିତଂ ନସା ମେସୁଃଆ ଅଜାର୍ ମୁଆଁ ସୁଗୁଆ ଆରି ଅଜାର୍ ମୁଆଁ ମେସୁଃଆ ସୁଗୁଆ ।

୯ ଦଦ୍ୟା ବାଦୁଲ୍ ଦଦ୍ୟା ଶୁଲ୍ଲା ନିନ୍ଦା ବାଦୁଲ୍ ନିନ୍ଦା ମାଡ଼ିଂରେ ବିନ୍ ପାକା ଶୁଲ୍ଲା ଆସିର୍ବାଦ୍ ତିଂପା, ତାଗ୍ଲା ପେଇଂ ଡିରକମ୍ ଆସିର୍ବାଦ୍‌ନେ ଅଦିକାରି ପେଡ଼ିଂଏ, ଆକେନସା ପାଙ୍ଗପେଲେଃକେ ।

୧୦ ସାସ୍ତରନିଆ ଗ୍ଲୁଆର୍ ଲେଃକେ,

“ଜାଣ୍ଡେ ଜିବନ୍‌ନିଆ ଦୁକ୍ ବାନେ

ଆରି ସୁକ୍‌ନେ ଦିନ୍ କିକେନସା ଇକ୍‌ତା ତିଂଏ,

ମେଁ ଦଦ୍ୟା ସାମୁଆଁ ଆବାସଙ୍ଗଲେ

ଆରି ନାଲେ ସାମୁଆଁବାନ୍ ସ୍ଲୁ ତିଂଲେ ।

୧୧ ମେଁ ଦୁସ୍‌ବାନ୍ ସ୍ଲୁତେ ସଡ଼ କାମ୍ ତିଂଲେ

ଆରି ମେଁ ସାନ୍ତି ତୁରତେ ମେଁ ପ୍ଲା ଝେଲେ ।

୧୨ ତାଗ୍ଲା ଦାମ୍ କିକଂନେ ଆଡ଼ାତ୍ରା ମାପୁନେ ମ୍ଲୁଆଃ ଲେଃକେ,

ମେଇଂନେ ପାରତନା ଅଁଏ,

ମାତର ମେଁ ଦୁସ୍‌ଗ ରେମୁଆଁଇଂକେ ବିରଦ୍ ତିଂଏ ।”

୧୩ ତାଗ୍ଲା ଇସପର ଆନେକେ ମୁଇଂ ସାମୁଆଁ ବିଃବକେ । ନେ ମେଃନେ ବାସଙ୍ଗକ୍ଲେ ଅନୁସାରେ ମୁଇଂ ମି କିତଂଇନି ଆରି ମି

ଦର୍ତ୍ତନିନେ ଉରନେଲେଃକେ । ଆତେନ୍ ଦାର୍ମିକିକ୍‌ନେ ବାସାନେ ଜାଗା ତିଂଏ ।

୧୪ ସତ୍ କାମ୍ ତିଂ ନ୍‌ସାଃ ପେଇଂ କସ୍ ପେବାଲା ତିଗ୍ ପେଇଂ ସତ୍‌ରେ ସୁକ୍ ରେମୁଆଁ । ଆଜାକେ ଆବ୍‌ଗେପା; ଜାବର୍ ଚିନ୍ତା ଆତିଂଗେପା ।

୧୫ ମାତର୍ କିସ୍‌ଟକେ ମାପରୁ ଡାଗ୍‌ଟେ ନିଜର୍ ନିଜର୍ ହୁର୍ଦ୍ଦେନିଆ ପବିତ୍ର ବାବ୍‌ରେ ମାନେଃପା । ପେନେ ଡାଗ୍ରା ଲେଃକ୍ଲେ ଆସାନେ କାରନ୍ ବିସ୍‌ୟରେ ଜାଣ୍ଟେ ପ୍ରସ୍ତ ତିଂଏ ଆମେକେ ଉତର୍ ବିଃନେସା ଜାଗ୍ରତ୍ ଲାଃଲାପା ମାତର୍ ଦରମ୍ ବାବ୍‌ରେ ଆରି ନିଜେକେ ବୁଟକେ ରକମ୍ ନିମାଣ୍ଟା ବୁଦି ଏତେ ଉତର୍ ବିଃପା ।

୧୬ ମାତର୍ ଗୁଆରେଟେ ଆରି ଦରମ୍ ବାବ୍‌ରେ ଉତର୍ ବିଃଲା । ପେନେ ବୁଦିକେ ପର୍‌ଟାଲ୍ ବପା । ତେଲା ପେ କିସ୍‌ଟନେ ବେବଆର୍ ଦସ୍ ତିଂଆର୍‌ଏ, ଆଡ୍‌ଅରିଆ ମେଇଂ ଗିଆସଃ ତିଂଆର୍‌ଏ ।

୧୭ ନିମାଣ୍ଟା ମୈତରଇଂ ପେ ଏନ୍ ବିସ୍‌ୟ ସିସେ ମ୍ୟାପେଲେଃକେ । ତେସାଃ ତରକ୍ ଲାଃଲାପା । ଆତେନ୍ ଦଦିଆ ରେମୁଆଁଇଂ ତିଂତିଂକ୍ଲେ ଦଦିଆ କାମ୍ ନ୍‌ସା ପେ ନିଜେକେ ତିଂନେ ଆବିଗ୍‌ପା, ନିଜେ ନିମାଣ୍ଟା ବିସ୍‌ବାସ୍‌ରେ ତର୍‌ବର୍ ମାତିଂଟେ ତରକ୍ ଲାଃଲାପା ।

୧୮ ତିରକମ୍ ଆନେଃକେ ଇସ୍‌ପର୍‌ନେ ଡାଗ୍ରା ହୁକ୍‌ପାଙ୍ଗ୍ ନ୍‌ସାଃ କିସ୍‌ଟ ତିଗ୍ ଦରମ୍ ରେମୁଆଁ ତିକ୍‌ଟେଃ ଅଦରମ୍‌ଣ୍ଟେ ନ୍‌ସାଃ ପାପ୍ ନ୍‌ସାଃ ମୁଇଂତର୍ ଗୁଏଃକେ । ମୈ ଗାଗ୍‌ଡେନ୍ନିଆ ଗୁଏଃକେ ସତ୍, ମାତର୍ ଆମ୍‌ନ୍ନିଆ ଜିବନ୍ ତିଂକେ ।

୧୯ ଆରି ଆତେନ୍ ଆମିକ ଅବସ୍ତାରେ ବନ୍ଦି ଆମ୍‌ଇଂନେ ଡାଗ୍ରା ଝେଟେ ପର୍‌ଟାଲ୍ ତିଂଆର୍‌କେ ।

୨୦ ନୋହ୍ ଜାଆଜ୍ ଆଃରେନେ ବେଲା ଇସ୍‌ପର୍ ସାଆସ୍‌ନେ ଏତେ ଉର୍ ଲେଃଗେ । ଅଃତେନ୍ ବେଲା ମୁଃଡି ରେମୁଆଁଇଂ ଇସ୍‌ପର୍‌କେ ଅମାନି ତିଂଆର୍‌କେ ଆଡାଡ୍ରାନେ ଆମ୍‌ଇଂ ମେଇଂନେ । ଉଃଡି ଇଃଡୁଡା ରେମୁଆଁ ସାପାରେ ମିସୁଟେ ୮ ରୁଆ ମାତର୍ ଜାବର୍ ଶ୍ରିଆବାନ୍ ମ୍‌ଆର୍‌କେ

୨୧ ମେଇଂ ପେନେ ଉଦାର୍ ପୁରନ୍ ତିଂତିଂକ୍ଲେ ଶ୍ରିଆଦିକ୍ୟାନେ ଚିନ୍ । ଆକେନ୍ ଶ୍ରିଆଦିକ୍ୟା ନାଁନେ ଗାଗ୍‌ଡେନେ ଆମାର୍ ସ୍ଲୁ ଆରାଃଡିଂ ଶ୍ଲୁ

ଆତେନ୍ କିସ୍ତନେ ବାରମୁଇଂତର ତଃଡ଼ିଆକ୍ଲେବାନ୍ ପେନେ ବୁଦିକେ ପବିତ୍ର ଆଃତିଂନେ ନ୍ୟା ଇସ୍ପରନେ ତାଗ୍ରା ଝାନେ ।

^{୨୨} ଆତେନ୍ କିସ୍ତ ଏଃକେ କିତଂଇନିନ୍ନିଆ ଇସ୍ପରନେ ବେଃସ୍ୟା ପାକା କଚେ କିତଂଦୁଡ଼ ଆରି ସରତେ ଇସ୍ପରନେ ଅଦିକାର ଆରି ବପୁରେଇଂ ଆଡ଼ାତ୍ରା ସାସନ୍ ତିଂଏ ।

୪

ଇସ୍ପରନେ ମେଣ୍ଡାରାସି

^୧ ନେଂ ମୁଇଂ ମ୍ନାଃ ସାଃବିରଶ୍ଟେ, ଇସାବ୍ରେ ପେନେ ମଣ୍ଡଲିନେ ମ୍ନା ନେତାଇଂକେ ଗୁଆରେ ବାସଙ୍ଗ୍ଣିଂକେ । କିସ୍ତ ଦୁକ୍ ବାକ୍ଲେ ନେଂ ମୁଇଂଞ୍ଜା ସାକି ଆରି ମେଁନେ ସାମୁଆଁ ଆତର୍ସାନେ ବେଲା ନେଂ ଆଡ଼ତାଗ୍ରା କ୍ଲୁଡ଼େଏ । ତାଗ୍ରା ଜା ଗାଗଡ଼େବାନ୍ ଦୁକ୍ କସ୍ତ ବାଲେଃକେ, ମେଁ ପାପ୍‌ବାନ୍ ସ୍ଲୁ ଲେଃକେ ।

^୨ ତିରକମ୍ ପେଇଂ ଜାଗତିକ ଜିବନ୍‌ନେ ବାକି ଜୁଗ୍ ବିତ୍ରେ ଗାଗଡ଼େନେ ଇକ୍‌ଚା ଆଲ ମାଡ଼ିଂଚେଃ ଇସ୍ପରନେ ଇକ୍‌ଚା ଅନୁସାରେ ବୁଆପା ।

^୩ ତିଃଡ଼ିକି ବିଜାତିଇଂନେ ଇକ୍‌ଚା ଅନୁସାରେ କାମ୍ ତିଂଚେ ପେଇଂ ଉଃଡ଼ି ମୁଆଁ ଅଡ଼ାରେଗ୍, ଦଦ୍ୟା ଅବ୍ୟାସ୍, ସାଗ୍ରା ଉଗ୍‌ନେ, ରସ୍ୟା, ଦଲ୍ ତିଂନେ, ମୁରତି ପୁଜା ତିଂଆରତିଂଗେ, ଆତେନ୍ ତିଂଏ;

^୪ ଉଃଡ଼ିବେଲା ମ୍ନାଃ ମେଣ୍ଡାତୁର୍ତ୍ତ୍ୟାରେ ପ୍ଲୁଃ ଝେଆର୍ଏ, ପେଇଂ ଆସିର୍ବାଦ୍‌ନେ ସାଜ ପେବାଏ । ମେଁନେ ନ୍ନାର୍‌କିଗ୍ ଅଃନା ସରାଃ ଆଡ଼ି ଶୁ ।

^୫ ମାତର ମୁଃଡ଼ି ଇସ୍ପର ମ୍ନୁ ଲେଃକେ, ମେଁ ଗୁଏଃକ୍ଲେ ରେମୁଆଁଇଂକେ ବିଚାର୍ ତିଂନ୍‌ସାଃ ତରକ୍ ତିଂଲେଃକେ, ମେଁନେ ତାଗ୍ରା ଆମେଇଂକେ ଇସାବ୍ ବିଃନେ ପଡ଼େଏ ।

^୬ ତାଗ୍ରା ଆକେନ୍ ସାମୁଆଁନ୍ନିଆ ଗୁଏଃରେଇଂ ତାଗ୍ରା ତିଗ୍ ମାପରୁ ସାମୁଆଁ ବାସଙ୍ଗ୍, ତିରକମ୍ ମେଇଂ ରେମୁଆଁଇଂ ସୁଗୁଆ ଗାଗଡ଼େନ୍ନିଆ ବିଚାରିତ ତିଂଲା ତିଗ୍ ଇସ୍ପରନେ ସୁଗୁଆ ଜିବନ୍‌ନ୍ନିଆ ମ୍ନୁ ଆର୍ଏ ।

^୭ ପେନେ ସାପା ଏତେକ୍ଲେ ଲିଗିଙ୍ କିତଂନେ ତାଗ୍ରା ସମର୍ପେପା ମେଃଡ଼ାଗ୍ରା ମେଃ ପେନେ ଜଡ଼ନ୍ ତୁଂଡ଼ଏ ।

୮ ପୁରାପୁରି ନିଜେ ନିଜେକେ ଆଲାଦ୍ ତିଂପା ତାଗ୍ଲା ଆଲାଦ୍ ଗୁଲେ ପାପ୍ ତିତାଏ ।

୯ ପେଇଂ ବିସ୍ବାସରେ ସାଆସ୍ ସାଃଲେଚେ ମେଃନେ ଆଡେପା । ପେଇଂ ମ୍ୟାପେଲେଃକେ ଏନ୍ ଦରତନି ପେନେ ବିସ୍ବାସ୍ ବୟାଁଇଂ ଡେକ୍‌ରକମ୍ କଷ୍ଟବାନେ ବିତ୍ରେ ଝେଡିଂଆର୍କେ ।

୧୦ କିସ୍‌ଟନେ ଏତେ କୁଡେଚେ ମେଃନେ ନିମାଣ୍ଡା ନ୍‌ସା ଲିବିସଃନେ ଇସ୍‌ପର୍ ଆପେକେ ବାସଙ୍‌ବକେ । ପେନେ ଇଡୁଡା କଷ୍ଟବାକ୍ନେ ଇଡିଂ ମେଃ ନିଜେ ଆପେକେ ଜନମ୍‌ବାନ୍ ଦର୍ମ ରୁଦି, ତାଟ୍ ବପୁ ଆରି ସେବା ତିଂନେ ପଡେଏ ।

୧୧ ଜା ବାସଙ୍‌ଏ, ମେଁ ଇସ୍‌ପର୍‌ନେ ସାମୁଆଁ ବାସଙ୍‌ଲେଃ । ଜା ସେବା ତିଂଏ ଇସ୍‌ପର୍ ଆମେକେ ବିଃବକ୍ନେ ବପୁ ଅନୁସାରେ ମେଁ ସେବା ତିଂଲେ । ତେଲା ଇସ୍‌ପର୍ ସରତେ ସାମୁଆଁନ୍ନିଆ ଜିସୁ କିସ୍‌ଟନେ ବାନ୍ ଆସିର୍ବାଦ୍ ବାଆର୍ଏ । ଜୁଗ୍ ଜୁଗ୍ ମଇମା ଆରି ବପୁ ମେଁନେ ।

ସାରାସାରି ସାର୍ଲ

୧୨ ଶୀଲାକେ ବିସ୍ବାସରେ ବୟାଁ ସୁଗୁଆ ନେଂ ନ୍‌ଲିବିସଃଏ । ମେଃନେ ସାଇଜରେ ନେଂ କେନ୍ ଇଡୁଡା ଉଲିଆ କୁଆର୍‌କେ । କିତଂନେ ଏକ୍ନେ ଆସିର୍ବାଦ୍ ବିସ୍‌ୟରେ ସାକି ବିଃଚେ ଆପେକେ ଉସ୍‌ଉସେ ବିଃନେ ନେଂନେ ଉଦେସ୍ । ଆତାନ୍ ଆସିର୍ବାଦ୍‌ନେ ପେଇଂ ତାଟ୍ ଲାଃଲାପା ।

୧୩ ଶୁଲ୍ଲା ସାର୍ଦା ତିଂପା ତାଗ୍ଲା ପେଇଂ କିସ୍‌ଟନେ ଦୁକ୍‌କସ୍‌ନେ ରେମୁଆଁ ପେଡିଂକେସା ମେଁନେ ମଇମା ନ୍‌ନେ ବେଲା ପେଇଂ ସାର୍ଦାରେ ପେନ୍‌ଏ ।

୧୪ କିସ୍‌ଟନେ ଆଲାଦ୍ ବୈଡ୍ରାଚେ ନିଜେ ନିଜେକେ ସାର୍ଲନେ ଆମ୍ୟାଃପା । ଇସ୍‌ପର୍‌ନେ ଆସିର୍ବାଦ୍ ଆପେ ସାପାରେନେ ସାନ୍ତି ତିଂଲେଃ ।

୧୫ ପେଇଂନେ ବିତ୍ରେବାନ୍ ଜାଣ୍ଡେ ରେମୁଆଁ ବାଗୁଏଃ ଦଦ୍ୟା ରେମୁଆଁ ଶୁଲ୍ଲା ଝିଙ୍‌ଆଃ ଆଃତାରନେ ନ୍‌ସା ଦୁକ୍‌କସ୍‌ଆଡିଂଲେଃ ।

୧୭ ମାତର ପେଇଁ ଜଦି କିସ୍ତ ବିସ୍ତାସି ପେଡ଼ିଂକେସାଃ ଦୁକ୍‌କସ୍ତ ବାପେଡ଼ିଂକେ ତେଲା ଗିଆସଃ ଆଡ଼ିଂଗେପା । ଇସ୍‌ପରକେ ଦନ୍ୟବାଦ୍ ବିଃପା ଡାଗ୍ଲା ପେଇଁ କିସ୍ତନେ ନ୍ମି ସାଃ ପେଲେଃକେ ।

୧୮ ବିଚାର ବେଲା ଡାଗ୍ଲାଗେ ବାରି ଇସ୍‌ପରନେ ରେମୁଆଁଇଁ ସେନୁଗ୍ ବିଚାରିତ ଡିଂଆରସ । ଜଦି ନେଃବାନ୍ ଆଡେନ୍ ଆରାମ୍ ଡିଂଏ ତେଲା ଜାଣ୍ଡେଇଁ ଇସ୍‌ପରନେ ନିମାଣ୍ଡା ସାମୁଆଁନ୍ନିଆ ବିସ୍ତାସି ଆଡ଼ିଂଆରଣ୍ଡୁ ଚୁମଇଁନେ ସାରାସାରି ଡଣ୍ଡ ମେଃନେ ଡିଂଏ ?

୧୯ ଦର୍ମସାସ୍ତ୍ରନ୍ନିଆ ଗୁଆର ଲେଃକେ:

“ଜଦି ଦାମ୍ କଇଁନେ ଉଦାର ବାନେ ଅଃକେନ୍ କସ୍ତ;

ତେଲା ଅଦାରମିକ୍ ଆରି ପାପିଇଁନେ ଡଣ୍ଡ ଉଃଡ଼ି ଆଡ଼ିଂ ଶୁ?”

୨୦ ଆଡେନ୍‌ସା ଜାଣ୍ଡେଇଁ ଇସ୍‌ପରନେ ଇକ୍‌ଚା ଅନ୍ନୁସାରେ ଦୁକ୍‌କସ୍ତ ବାଆରସ, ମେଇଁ ସତ୍‌କାମ୍ ଡିଂଚେ ମେଁନେ ଡାଗ୍ଲା ପୁରାପୁରି ବାବ୍‌ରେ ବିସ୍ତାସି ବପା । ମେଇଁନେ ଆରେଣ୍ଡେ ଇସ୍‌ପର କାଲାଆଃ ମେଁନେ ପରମାନ୍ ରକ୍ୟା ଡିଂଏ ।



ଇସ୍‌ପରନେ ମେଣ୍ଡାରାସି

୧ ନେଁ ମୁଇଁ ମ୍ମାଃ ସାଃବିରଣ୍ଡେ, ଇସାବ୍‌ରେ ପେନେ ମଣ୍ଡଲିନେ ମ୍ମା ନେତାଇଁକେ ଗୁଆରେ ବାସଇଁଣ୍ଡିକେ । କିସ୍ତ ଦୁକ୍ ବାକ୍‌ ନେଁ ମୁଇଁଞ୍ଜା ସାକି ଆରି ମେଃନେ ସାମୁଆଁ ଆଡର୍ସାନେ ବେଲା ନେଁ ଆଡ଼ଡାଗ୍ଲା କ୍ଳୁଡ଼େଏ ।

୨ ଇସ୍‌ପର ପେନେ ତ୍ରିଡାଗ୍ଲା ଆଣ୍ଡିନେ ମେଣ୍ଡାରାସିନେ ଦାଇଡ୍ ବିଃବଗେ । ନେଁ ଗୁଆରେ ଶ୍ରିଂକେ, ପେ ଅଲ୍‌ସୁଆ ବାବ୍‌ରେ ମାଡ଼ିଂଚେ ଇସ୍‌ପରନେ ଇକ୍‌ଚାରେ ଆମେଇଁକେ ବିଃଡୁଏଃପା । ଦନ୍‌ଲାବ୍ ଆସାରେ ଆଡାନ୍ ମାଡ଼ିଂଚେ ନିମାଣ୍ଡା ସେବା ମନ୍ ବାବ୍‌ନା ଏଡେ ପେନେ କାମ୍ ପୁରନ୍ ଡିଂପା ।

୩ ପେ ଜାନେ ଦାଇଡ୍ ତୁଂଡପେବକେ ମେଇଁ ଆରାଡା ମାପୁ ସୁଗୁଆ ମାଡ଼ିଂଚେ ମେଇଁନେ ନ୍‌ସା ନିଜେ ଜିବନ୍‌ନେ ବେବଆର୍ ଆଃସୁଏପା ।

୪ ଉଠିବେଲା ମାଃ ମେଣ୍ଡାତୁର୍ତ୍ତ୍ୟାରେ ପ୍ଲାଃ ଖେଆରଏ ପେଇଁ ଆସିବାଦ୍‌ନେ ସାଜ ପେବାଏ । ମୈନେ ନ୍‌ରକ୍‌କି ଥାଃନା ସରାଃ ଆତିଁ ଶୁ ।

୫ ଆରି ଳିରେଇଁ ପେଇଁ ଅଃସେଣ୍ଡେଇଁନେ ସାମୁଆଁ ମାନେଃପା । ପେଇଁ ସାପାରେ ନିଜେ ନିଜେକେ ସେବା ତିଁ ନ୍‌ସା ମ୍ନେଡିଆ ସୁଗୁଆନେ ସକାପାଟାଇ ସଃପା । ସାସ୍ତର୍ ତାଗ୍ରା ଗୁଆରଲେଃଃକେ “ଇସ୍‌ପର୍ ଆଳିଆଇଁନେ ଏଡେଏ ତାଗ୍ରା ଗୁଆରେଣ୍ଡେଇଁକେ ଆସିବାଦ୍‌ ତିଁଏ ।”

୬ ତେଲାଲେଃ ଇସ୍‌ପର୍‌ନେ ବପୁନେ ତ୍ରି ଆଲ ନିଜେ ନିଜେକେ ମାନେଃଃଚେ ଲାଃଲାପା; ତିରକମ୍ ଚିକ୍‌ବେଲା ଆପେକେ ଉନ୍ନତି ଆତିଁଏ ।

୭ ପେନେ ସାପା ଏଡେକ୍ଲେ ଲିଗିଙ୍ଗ୍ ଇସ୍‌ପର୍‌ନେ ତାଗ୍ରା ସର୍ପେପା, ମେଃଡାଗ୍ରା ମେଃ ପେନେ ଜତିନ୍ ତୁଁତିଏ ।

୮ ତରକ୍ ତିଁପା, ତରକ୍ ଲାଃଲାପା । ପେନେ ସତୁ ସଏତାନ୍ ଗର୍ଜେକ୍ଲେ ସିଁଅଁ ସୁଗୁଆ ଆଜାକେ ସାଃ ନ୍‌ସା ତୁର୍ ଅଲେଙ୍ଗ୍‌ତିଁକେ ।

୯ ପେଇଁ ବିସ୍‌ବାସ୍‌ରେ ସାଆସ୍‌ ସାଃଲେଚେ ମେଃନେ ଆଡେପା । ପେଇଁ ମ୍ୟାପେଲେଃକେ ଏନ୍ ଦର୍ତ୍ତନି ପେନେ ବିସ୍‌ବାସ୍‌ ବୟାଁ ତନାଇଁ ତେକ୍‌ରକମ୍ କଷ୍ଟବାନେ ବିତ୍ରେ ଖେଡିଆକେ ।

୧୦ କିସ୍‌ଚନେ ଏଡେ କୁଡେଚେ ମେଃନେ ନିମାଣ୍ଡା ନ୍‌ସା ଲିବିସ୍‌ନେ ଇସ୍‌ପର୍ ଆପେକେ ବାସ୍‌ବକେ । ପେନେ ଇତୁଡା କଷ୍ଟବାକ୍ଲେ ଇଡିଁ ମେଃ ନିଜେ ଆପେକେ ଜନମ୍‌ବାନ୍ ଦର୍ମ ବୁଦି, ତାଟ୍ ଖାଡି ଆରି ନିମାଣ୍ଡା ତିଁନେ ପେଡିଁଏ ।

୧୧ ଜୁଗ୍ ଜୁଗ୍ ସାଃବିରନେ ମୈନେ ତିଁଲେଃ । ଆମେନ୍ !

ସାରାସାରି ସାଲ୍

୧୨ ☆ଶୀଲାକେ ବିସ୍‌ବାସ୍‌ରେ ବୟାଁ ସୁଗୁଆ ନେଁ ନ୍‌ଲିବିସ୍‌ଏ । ମେଃନେ ସାଇଜରେ ନେଁ କେନ୍ ଇତୁଡା ଉଲିଆ ଜୁଆରକେ । ଇସ୍‌ପର୍‌ନେ ଏକ୍ଲେ ଅନୁଗ୍ରହ ବିସ୍‌ୟରେ ସାକି ବିଃଚେ ଆପେକେ ଆମ୍ନେଡିଆନେ ନେଁନେ ଉଦେସ୍ । ଆତାନ୍ ଆସିବାଦ୍‌ନେ ପେଇଁ ତାଟ୍ ଲାଃଲାପା ।

୧୩ ଇସ୍ପତରନେ ଲାଗ୍ରେ ହିବକେ ବାବିଲୋନ୍ ଡାଗ୍ରା ମଣ୍ଡୁଲି ଆରି
ନେନେ ଦରମ୍ ଡଂ ମାରକ୍ ହିଗ୍ ଆପେକେ ସାର୍ଲନେ ଆମ୍ୟାତିକେ ।

୧୪ କିସ୍ତିୟ ଆଲାଦ୍ ନିଜର୍ ନିଜର୍ ବିତ୍ରେ ସାର୍ଲନେ ଆମ୍ୟାପା ।
ଜିସୁ କିସ୍ତି ଆପେ ସାପାରେକେ ସାନ୍ତି ବିଲେ ।

ସତ୍ ଗାଳି
The New Testament in the Gata' language of India: ସତ୍
ଗାଳି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଳି
ଯାଶୁ ମାପୁରୁନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 18 Mar 2025 from source files dated 9 Apr 2023

cd536811-9eb4-56d5-9546-afaca24c958c